

## **Publicaziuns officialas dils 27 da december 2024**

### **Vischnaunca Trun**

#### **Damonda da baghegiar**

**Datum da publicaziun: 27-12-2024**

Petents: Richard e Karin Feurer, Im Schilf 7, 8044 Turitg  
Representanza: maurusfrei Architekten AG, Balslerstrasse 30, 8048 Turitg  
Object: Midada da project en connex cun igl access e la fatschada sid dalla casa sin parcella 6153 a Schlans/Tujals.  
Zona: Zona da habitar (H)

#### **Protestas:**

Ilis plans ein deponi en canzlia communal. L'investa publica cuoza 30 dis dapi il datum da publicaziun. Protestas ein d'inoltrar en scret enteifer 30 dis dapi la publicaziun alla suprastanza communal Trun.

*Administraziun communal Trun*

#### **Sessiun dil cussegl da vischnaunca**

**gliendisdis, ils 06-01-2025 allas 19.30**, ell'aula dalla casa da scola

#### **Tractandas**

1. Approbaziun dil protocol dalla sessiun dils 11-11-2024
2. Damonda da surprender las immobilias dalla Campadi Trun SA cun scuntraziun dil deivet
3. Verificaziun dil resultat dall'elecziun communal dils 24-11-2024
4. Pusseivladad da tschentiar damondas

*Administraziun communal Trun*

#### **Scamond da barschar giu fiugs artificialis**

Tenor artechel 16 dalla lescha da polizia dalla vischnaunca da Trun eis ei scumandau sigl entir territori communal da barschar giu fiugs artificialis ch'effectueschan canera sco tgulem ni plum. Quei scamond vala era per Silvester. Ei vegn fatg controllas.

Nus supplichein da prender enconuschientscha ed engraziein per la capientscha.

*Suprastanza communal Trun*

## **Verbot für das Abfeuern von Feuerwerkskörpern**

Gemäss Art. 16 des Polizeigesetzes der Gemeinde Trun ist das Abfeuern von Feuerwerkskörpern auf dem gesamten Gemeindegebiet verboten. Das gilt auch für die Silvesternacht. Es werden Kontrollen durchgeführt.

Wir bitten um Kenntnisnahme und bedanken uns für das Verständnis.

*Gemeindevorstand Trun*

## **Salids ed auguris**

Preziadas convischinas. Prezias convischins

Nus giavischein a Vus in bien e ventireivel niev onn. Lein sperar ch'igl onn 2025 porti a tuts buna sanadad e bia cuntentientscha. Bugen prendein nus la caschun d'engraziar a Vus per Vossa confidonza e Vies sustegn.

*Suprastonza communal Trun*

## **Il cantar dils Treis Sogns Retgs**

Il Treis Sogns Retgs fan in viadi tras vischnaunca nua che Vus haveis la pusseivladad da s'entupar cun els e tedlar las bialas canzuns ch'els vegnan a presentar.

### **Dumengia, ils 5 da schaner 2025**

- 10.30 duront la s. messa a Trun
- 15.30 Casa sogn Martin, Trun
- 16.00 Casa Depuoz, Trun
- 16.40 avon baselgia a Zignau \*
- 17.00 sper la caplutta da s. Giusep a Darvella \*
- 17.20 sper la caplutta da s. Catrina a Campliun \*
- 17.40 sin plaz scola a Trun \*

\* cheu dat ei ina bubronda caulda

Il recav ei destinaus per projects caritativs. Nus engraziein gia ordavon per Vies sustegn e giavischein a Vus tuts bialas fiastas ed in bien niev onn. A bien seveser

*Il scolars e las scolaras dalla 5. e 6. classa da Trun cun gidonters*